

**Ўзбекистон Республикаси Адлия вазирлиги қошидаги Юристлар  
малакасини ошириш маркази ва Ўзбекистон Республикаси Адвокатлар  
палатаси ўртасида ўзаро ҳамкорлик түғрисида**

**МЕМОРАНДУМ**

Ўзбекистон Республикаси Адвокатлар палатаси ва Ўзбекистон Республикаси Адлия вазирлиги қошидаги Юристлар малакасини ошириш маркази (кейинги ўринларда Томонлар деб аталади):

қонун устуворлиги ва фуқароларнинг ҳукуқ ва эркинликларини химоя қилиш; жисмоний ва юридик шахсларга юридик ёрдам кўрсатиш тизимини такомиллаштириш; ҳукуқни қўллаш амалиёти самарадорлигини ошириш, адвокатура соҳасидаги қонунчиликни таҳлил қилиш, суд-ҳукуқ соҳасидаги қонунчиликни янада такомиллаштириш бўйича таклифлар ишлаб чиқиш, адвокатларни тайёрлаш, қайта тайёрлаш ва малакасини ошириш тизимини халқаро стандартларни ҳисобга олган ҳолда янада такомиллаштириш бўйича тадқиқотларни амалга ошириш бўйича таклиф ва тавсиялар ишлаб чиқишни назарда тутиб, 2017-2021 йилларда Ўзбекистонни ривожлантиришнинг бешта устивор йўналишлари бўйича Ҳаракатлар стратегиясида белгиланган вазифаларни ижросини таъминлаш соҳасида ўзаро самарали ҳамкорликни ташкил этиш мақсадида,

**куйидагилар ҳақида келишиб олдилар:**

**1-модда**

Мазкур Меморандумнинг мақсади Томонларнинг ўзаро ҳамкорлигига қонун устуворлиги ва фуқароларнинг ҳукуқ ва эркинликларини химоя қилиш; адвокатларни тайёрлаш, қайта тайёрлаш ва малакасини оширишнинг замонавий усуллари ва янги ёндашувларини тадқиқ қилиш, шунингдек фуқаролик, жиноий, иқтисодий, маъмурий қонунчиликни ва адвокатура соҳасидаги қонунчиликни такомиллаштиришга доир таклиф ва тавсиялар ишлаб чиқишидан иборат.

**2-модда**

Томонлар ўзаро манфаатлар асосида куйидаги йўналишларда ҳамкорлик қиласидилар:

адвокатларни тайёрлаш, қайта тайёрлаш ва малакасини ошириш тизимини халқаро стандартларни ҳисобга олган ҳолда янада тадқиқотларни амалга ошириш;

суд фаолияти ва адвокатура соҳасидаги қонунчиликни таҳлил қилиш, суд амалиёти ва адвокатура тизимини янада такомиллаштириш бўйича таклифлар ишлаб чиқиш;

томонларнинг фаолияти ҳақидаги ахборотлар, маълумотлар ва таҳлилий хужжатларни ўзаро алмашиш;

томонлар ўзаро ҳамкорлик асосида суд-хуқук соҳасида амалиётда вужудга келаётган муаммолар бўйича ижтимоий сўровлар ўтказиш, уларни таҳлил қилиш ҳамда натижаси юзасидан таклифлар ишлаб чиқиш;

суд-хуқук ислоҳотлари даврида адвокатларни ўқитиш ва малакасини оширишга бағишлиган миллий ва ҳалқаро конференциялар, семинарлар, давра сухбатлари ва бошқа илмий-амалий тадбирларни ташкил этиш;

Адвокатлар палатаси аъзоси бўлган кўп йиллик тажрибали ва билимли адвокатлар иштирокида Юристлар малакасини ошириш маркази тингловчилари учун мастер-класслар ташкил этиш;

эксперт групҳлари томонидан нашр этиладиган илмий-тадқиқот материаллари юзасидан тақризлар ва хулосаларни тайёрлашда иштирок этиш;

Марказга малака оширишга келган фуқаролик, жиноят, иқтисодий ва маъмурий ишлари бўйича шуғулланувчи адвокат тингловчилар учун ўкув дастури асосида амалий ўкув машғулотларидан баъзиларини Адвокатлар палатаси биносида ўтишини таъминлаш;

Ўзаро ҳамкорликда келишилган шартлар асосида адвокатлар малакасини ошириш тизимини келгусида Адвокатлар палатаси ихтиёрига ўтказиш механизмини ишлаб чиқиш;

томонларнинг ахборот-ресурс маркази ва кутубхоналаридан фойдаланиш.

### **3-модда**

Томонлар мазкур Меморандумда назарда тутилган вазифаларни бажариш учун сарфланадиган харажатларни ўз маблағлари, ҳомийлик ёрдамлари ва қонунчиликда тақиқланмаган бошқа манбалар ҳисобидан амалга оширадилар.

Ҳамкорлик фаолияти юзасидан алоҳида ҳолатлар бўйича Томонлар қўшимча келишув асосида ўзаро молиявий кўмаклашиш тўғрисида келишиб оладилар.

### **4-модда**

Томонларнинг ёзма, оғзаки ва ахборот тизими орқали электрон шаклдаги мурожаати ушбу Келишув шартларини бажариш учун асос бўлади.

### **5-модда**

Ушбу Меморандумда назарда тутилган ўзаро ҳамкорлик йўналишларидан келиб чиқсан ҳолда, Томонлар розилиги билан бошқа тадбирлар ҳам ўтказилиши мумкин.

### **6-модда**

Томонларнинг ўзаро келишувига кўра, ушбу Меморандумга ёзма равища кўшимча ва ўзгартишлар киритилиши мумкин, улар алоҳида баённома билан расмийлаштирилади.

### **7-модда**

Томонлар ушбу Келишув доирасида ишлаб чиқилган норматив-хуқукий хужжатлар лойиҳаларини, илмий-амалий тадқиқот материалларини, таҳлилий хужжатларни ҳамда таклифларни сир тутилишини таъминлайдилар.

Ушбу маълумотлар фақат уни тақдим этган Томоннинг розилиги асосида учинчи тарафга берилиши мумкин.

### **8-модда**

Томонлар тадқиқотчилар ҳамда бошқа мутахассисларнинг илмий тадқиқот ишларини бажаришларида ижодий алоқа қилиб туришлари учун шарт-шароитлар яратадилар.

### **9-модда**

Ушбу Меморандум Томонлар имзолаган санадан кучга киради ва беш йил мобайнида амал қиласди. Томонлардан бири Меморандум муддати тугашига олтий олтий қолганида унинг амал қилишини тўхтатиш ҳақида ёзма хабарнома бермаса, Меморандум ўз-ўзидан кейинги беш йиллик муддатга узайтирилади.

### **10-модда**

Мазкур Меморандумни талқин қилиш ва қўллашда вужудга келадиган келишмовчилик ёки низолар Томонлар ўртасида ўзаро маслаҳатлашувлар ва музокаралар йўли билан ҳал қилинади.

### **11-модда**

Ушбу Меморандум ўзбек тилида икки нусхада тузилди. Унинг ҳар бир нусхаси бир хил юридик кучга эга бўлиб, бир нусхаси Ўзбекистон Республикаси Адвокатлар палатасида, иккинчи нусхаси эса – Юристлар малакасини ошириш марказида сақланади.

**Ўзбекистон Республикаси  
Адлия вазирлиги қошидаги  
Юристлар малакасини  
oshiриш маркази номидан**

Директор



2020 йил “19” февраль

**Ўзбекистон Республикаси  
Адвокатлар палатаси  
номидан**

Раис

А.К. Эрназаров



2020 йил “19” февраль